

**Razvojna banka Federacije
Bosne i Hercegovine
Predsjednik Uprave**

Broj: 4163-III/20
Sarajevo, 30.4.2020. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14), člana 8. stav (2) tačka d) Pravilnika o uspostavljanju i radu Komisije za nabavke (Službeni glasnik BiH broj 103/14), preporuke Komisije za nabavke iz Zapisnika o pregledu i ocjeni ponuda broj 4159-XI/20 od 30.4.2020. godine i člana 20. Statuta Razvojne banke Federacije Bosne i Hercegovine, u postupku javne nabavke usluga osiguranja imovine Razvojne banke Federacije BiH, v.d. predsjednik Uprave Banke donosi

ODLUKU

**o izboru najpovoljnijeg ponuđača u postupku javne nabavke usluga osiguranja
imovine Razvojne banke Federacije BiH**

Član 1.

Prihvata se preporuka Komisije za nabavke iz Zapisnika o pregledu i ocjeni ponuda, broj 4159-XI/20 od 30.4.2020. godine i Ugovor za nabavku usluga osiguranja imovine Razvojne banke Federacije BiH dodjeljuje se ponuđaču SARAJEVO-OSIGURANJE d.d. Sarajevo, Maršala Tita 29, 71000 Sarajevo, kao najpovoljnijem ponuđaču u konkurentskom zahtjevu za dostavu ponuda.

Član 2.

Ukupna ponuđena cijena Ugovora iz člana 1. ove odluke, iznosi 7.973,20 KM bez PDV-a.

Član 3.

Po okončanju roka za žalbu, ugovorni organ će s izabranim ponuđačem zaključiti ugovor kojim će regulisati međusobna prava i obaveze.

Član 4.

U skladu sa odredbama člana 70. stav (6) Zakona o javnim nabavkama, ugovorni organ će objaviti ovu odluku na svojoj web stranici www.rbfbih.ba, istovremeno s upućivanjem iste ponuđačima koji su sudjelovali u ovom postupku.

Član 5.

Ova odluka stupa na snagu danom donošenja i dostavlja se ponuđačima koji su sudjelovali u postupku javne nabavke, saglasno članu 71. stav (2) Zakona o javnim nabavkama.

OBRAZLOŽENJE

Odlukom o pokretanju postupka javne nabavke usluga osiguranja imovine Razvojne banke Federacije BiH broj 3532-III/20 od 07.4.2020. godine, odobreno je pokretanje postupka predmetne nabavke za potrebe Razvojne banke Federacije BiH.

Javna nabavka je provedena putem konkurentskog zahtjeva za dostavu ponuda, a kriterij za dodjelu ugovora je najniža cijena.

Procijenjena vrijednost nabavke iznosi 8.000,00 KM bez PDV-a.

Obavještenje o nabavci predmetnih usluga objavljeno je na Portalu javnih nabavki dana 08.4.2020. godine, broj obavještenja: 1011-7-2-197-3-14/20.

Tenderska dokumentacija objavljena je zajedno sa navedenim obavještenjem.

Odlukom Ugovornog organa broj 2633-III/19 od 29.3.2019. godine imenovana je Komisija za nabavke Razvojne banke Federacije BiH, a kojom su definisane njene nadležnosti koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Slijedom navedenog, Komisija za nabavke u okviru svojih nadležnosti i ovlaštenja je provela predmetni postupak nabavke, te o tome sačinila Zapisnik o pregledu i ocjeni ponuda u kojem je utvrđeno da su evidentirane 4 (četiri) pravovremeno pristigle ponude kako slijedi:

R. Br.	Naziv i sjedište ponuđača	Datum i sat prijema ponude	Cijena ponude (u KM)	Popust (u KM)	Ukupna cijena bez PDV-a (u KM)
1.	BRČKO-GAS OSIGURANJE d.d.-Podružnica Tuzla, Maršala Tita 2B, 75000 Tuzla	21.4.2020. godine u 08:15 h	16.629,86	1.738,09	14.891,77
2.	SARAJEVO-OSIGURANJE d.d. Sarajevo, Maršala Tita 29, 71000 Sarajevo	21.4.2020. godine u 08:45 h	7.973,20	0,00	7.973,20
3.	ADRIATIC OSIGURANJE d.d., Trg međunarodnog prijateljstva 20, 71000 Sarajevo	22.4.2020. godine u 09:30 h	13.685,91	0,00	13.685,91
4.	ASA OSIGURANJE d.d. Sarajevo, Trg međunarodnog prijateljstva 25, Sarajevo	22.4.2020. godine u 10:00 h	7.986,24	0,00	7.986,24

Na osnovu izvršene analize i ocjene pristiglih ponuda, Komisija je utvrdila da su:

- ponude ponuđača SARAJEVO-OSIGURANJE d.d. Sarajevo, ADRIATIC OSIGURANJE d.d. i ASA OSIGURANJE d.d. prihvatljive, dostavljeni su svi traženi dokazi propisani tenderskom dokumentacijom i na način propisan tenderskom dokumentacijom,
- ponuda ponuđača BRČKO-GAS OSIGURANJE d.d.-Podružnica Tuzla nije prihvatljiva iz sljedećih razloga:
 - *Ponuđač nije dostavio popis dokumentacije – sadržaj ponude potpisan i ovjeren pečatom ponuđača.*

Naime, tačkom 17. tenderske dokumentacije definisano je da ponuda treba sadržavati popis dokumentacije koja je priložena uz ponudu-sadržaj ponude potpisan i ovjeren pečatom ponuđača.

Članom 58. Zakona o javnim nabavkama, stav (1) tačka (i) definisano je da ponuda obavezno sadrži popis dokumentacije priložene uz ponudu, a što je definisano i članom 9. stav (2) tačka (j) Uputstva za pripremu modela tenderske dokumentacije i ponuda.

Imajući u vidu prethodno navedeno, a u skladu sa članom 68. stav (4) tačka i) Zakona o javnim nabavkama Komisija za javne nabavke je odbacila ponudu jer ista nije potpuna i ne ispunjava zahtjeve iz tenderske dokumentacije.

S obzirom da je tačkom 22. tenderske dokumentacije predviđeno provođenje e-aukcije u skladu sa Pravilnikom o uslovima i načinu korištenja e-aukcije (Službeni glasnik BiH broj 66/16), za sve ponuđače koji su dostavili prihvatljive ponude zakazana je e-aukcija za srijedu 29.4.2020. godine s početkom u 12:00 h.

Na e-aukciji, održanoj 29.4.2020. godine sa početkom u 12:00 h i trajanju 10 minuta, nije bilo podnošenja novih ponuda, odnosno, cijene ponuda su ostale iste onima navedenim u prvobitnim/originalnim ponudama.

Rangiranje prihvatljivih ponuda prema kriteriju za izbor ponude nakon provedene e-aukcije:

R. Br.	Ponuđač	Ukupna cijena ponude (bez PDV-a) u KM	Rangiranje
1.	SARAJEVO-OSIGURANJE d.d. Sarajevo	7.973,20	1
2.	ASA OSIGURANJE d.d. Sarajevo	7.986,24	2
3.	ADRIATIC OSIGURANJE d.d.	13.685,91	3

Napomena: cijena ponude ponuđača ADRIATIC OSIGURANJE d.d. Sarajevo je viša od obezbijedenih sredstava za ovu nabavku, odnosno prelazi procijenjenu vrijednost nabavke.

U postupku donošenja ove odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponuda, u skladu sa kriterijima iz tenderske dokumentacije.

Imajući u vidu sve prethodno navedeno, a prvenstveno da je nakon pregleda i ocjene ponuda, u postupku predmetne nabavke, utvrđeno da je cijena ponude ponuđača SARAJEVO-OSIGURANJE d.d. Sarajevo u iznosu 7.973,20 KM bez PDV-a prema kriteriju za izbor ponude (najniža cijena) ocijenjena najpovoljnijom, primjenom člana 64. Zakona o javnim nabavkama stav (1) tačka b) i člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14) odlučeno je kao u dispozitivu ove odluke.

Pouka o pravnom lijeku: Protiv ove Odluke može se izjaviti žalba u roku od 5 (pet) dana od dana prijema ove Odluke, saglasno članu 97. 99. i 101. Zakona. Žalba se podnosi u najmanje 3 (tri) primjerka.



v.d. Predsjednik Uprave

dr. sc. Semir Fejzić

Dostaviti:

- Učesnicima u postupku